

# Athör Jut

## Wët nom

Athör Jut aci göt bi kɔc lɛk bik nhiim tir kɔc piöc è lueth, kɔc ye lueel lon ye kek kɔc ci gam. Kè tō athör ciek kënë yic, yen athörj kek athör rou è Piter, raan è kɔc bi ye kuen dæet puõth, bik nɔt ke la tuej kek gam wäär ci Nhialic gäm kacken ci wëtde gam.

## Käk tō thïn

Muõth .....	1-2
Awuõc bi kɔc piöc è lueth yök .....	3-16
Riel è puõu gam yic .....	17-23
Röök .....	24-25

---

Ee yen Jut, yen alony Jethu Kritho. Ku ya mënhë Jemith.

Yen agët kɔc ci Nhialic ke cɔl, kɔc pïr è nhiër Nhialic Wäda. Ku tit Jethu Kritho ke. <sup>2</sup>Calkë döör ku nhiër ku pël piny è wël arëër kek we atheer.

## Kɔc piöc è lueth

<sup>3</sup>Wek kɔckiën nhiaar, aca them apei ba we gät tē ci Jethu Kritho yo kuony thïn yodhie. Ku kë ca tak è kë bi yen we gät nyin yic emën. Ku ba we dæet puõth, bæk la tuej kek gam wäär ci Nhialic gäm kacke bi rëer ke ke. <sup>4</sup>Rin ci kɔc rɛc kuc Nhialic röt kuël yoyiic ke kucku ke. Ku reckë wët puõth è Nhialic bi kek dhölken rɛc thiaan köth thïn. Ku jeikë Jethu Kritho ku ye Bányda. Ku athör theer wël Nhialic acä awuõc bik yök thïn nyuõth wäthæer.

<sup>5</sup>Na cɔk alon njic wek kakkä ebën, ka wiéc ba ben tæk we, yen tēyɔn ci Nhialic kɔc Itharel luäk thïn tənë kɔc pan Ijip. Ku tē ci yen kɔc kök kamken ke ci jai è wëtde bën rac thïn. <sup>6</sup>Ku takkë aya, lon atuuc nhial wäär ci luoiden bar nyin ku kueeckë bik rëer tēden ci tæk ke, aa rëer

---

1 Mt 13:55; Mk 6:3    5 B.bei 12:51; Kn 14:29-30

ke ke der akölaköl ë muöth yic piiny. Të muk Nhialic ke thïn yet aköl luñdit bi ke jal tëm awuöc thiek.

<sup>7</sup>Ku muökkë wenhiim aya yen këwäär ci rot looi tënë Thodom ku Gomora, ku bëï thiök ke ke. Wäär ci kóc ke rëer ë geethkä yiic luui cimën atuuc nhialkä, kóc wäär ci kepuöth yiëk bal. ku kuat kärec kök ye kek röt lööm. Ku ëmën aaci tëm awuöc ci ke cuat many akölrüëc ëbën yic. Ku bi nyuöth raan ëbën yen awuöc ye gäm kóc ci luui kärec.

<sup>8</sup>Ku kóc rëc ci röt kuël yoyiic kä, aa la kækken ke nyuöth ke këya bik awuöc aa looi kegup ë röt. Aaci riel Nhialic dhöl yic ku lueelkë kärec atuuc nhial gup. <sup>9</sup>Na cök aa tunydit atuuc nhial nhiim cöl Maikel ka këc looi. Wäär göth yen kek jöhrac, ʒon teer kek ye, yeja bi guöp Mothith nyaai, yen Maikel nhom akëc jöhrac bën lat, aci bën lueel ëlä, “Nhialic abi yi tëm awuöc!” <sup>10</sup>Ku köckä aa kóc mät ku lëëtkë kóc kë këc deet yic, ku käk njickë ke cik ye tak yiic, cimën lääi ë path, luwi ë käckä abi Nhialic ke nök. <sup>11</sup>Abi rëëc apeï tënë ke! Ee dhël Kain yen acik buöth yic. Ee rin wëü ë path yen aye kek awuöc wäär ci Balaam looi, looi aya. Aaci këec wei tënë Nhialic cimën Kora, ku aabi Nhialic nök cimën wäär nëk yen Kora. <sup>12</sup>Ku keek aa yär guöp bëï tënë we, të looi kek käreckä ke ci gup riöc, të mïth wek ke ke akuötdun yic. Ayekë nhiaar kë la guäpden yic kepëc. Aa cit luääat ye yom kuaath ku ciï tueny. Aa cit tiim cie luök të cök yen a rut, tiim ci meiken nyuän bei. Köckä aa thou arak rou ë luwi adumuööm, ku kækken rëc yekë ke looi cök alön ye kek kóc ci gam. <sup>13</sup>Aa röt jat nhial cimën apuöök ë wärdit yic, bik teden rëec kek thïn nyuöth. Aacit kuel ci yiëc dhëlden yekë buöth yic, ë rin ci Nhialic tëcol bi yen ke cuat thïn looi tënë ke akölrüëc ëbën.

<sup>14</sup>Enok, raan käk Nhialic tïj, manh ye kuat Adam yic dhorou yen ëci ye lueel theer ë rienken ëlä, “Nhialic abi bën kek atuucken juëc apeï ciï kuen, <sup>15</sup>bik luk bën looi tënë kóc. Ku kóc la gup adumuööm ci kuc ye, aabi tëm awuöc rin kärec juëc cik looi. Ku kärec cik luëel yeguöp!”

<sup>16</sup>Köckä aa Nhialic gök akölaköl ke nyieny kóc kök. Ee luwi ë dhölken rëc kek ayekë ke buöth yiic. Aa jam ë nhiam rienken ë röt. Ku yekë kóc kök math nyïn bik ke buöth cök.

### Tir ë nhom ku lëk

<sup>17</sup>Ku yeen muökkë wenhiim wek köckiën nhiaar, yen këwäär ci atuuc Bänyda Jethu Kritho lëk we. <sup>18</sup>Acik lëk we ëlä, “Të le aköl luñdit thiök, ke kóc kök rëc, kóc ke looi käk wïc piäthken kepëc aabi tuöl. Ku keek aabi we aa bui.” <sup>19</sup>Köckä kek aa kóc tëëk yiic, kóc ye buöth yic dhöl

kɔc ɛ path, keek aa cɪn gup Wɛi Nhialic. <sup>20</sup>Ku week kɔckiɛn nhiaar lak tueŋ gamdun yic apath cɪmɛn ye Wɛi Nhialic we kony bɔk aa rɔɔk. <sup>21</sup>Ku muɔkkɛ rɔt ɛ nhiɛr Nhialic yic, ke we tit Bɔnyda Jethu Kritho, bi we bɛn nyuɔth tɛ nhiɛr yen we thɪn ku gɔm we pɪr akɔlriɛɛc ɛbɛn.

<sup>22</sup>Yakɛ kɔc ŋot ke diu nyuɔth piathdun. <sup>23</sup>Kuɔnykɛ kɔc kɔk biɔk ciɪ la mɛɛc. Ku nyuɔthkɛ piathdun tɛnɛ kɔc kɔk, ke we tit rɔt ɛ ke biɔk we ciɪ riɔp acol kɔracken yiic, ku bɔk ciɪ la dhɔlken yiic, dhɔl adumuɔɔm.

### Rɔɔk

<sup>24</sup>Tɛnɛ Nhialic, raan lɛu ye bi we muk bɔk ciɪ lɔɔny wei. Ku biɪ we, ku cɔl we akɔɔc yenhom diɛkde yic ke we mit puɔth, ke cɪn kɛrɛɛc rɛɛr ke we, <sup>25</sup>tɛnɛ Nhialic, yen Nhialic tɔŋ tɔ thɪn, yen ɔo kony, rin Jethu Kritho Bɔnyda, bi ya leec, ee diɛtde, ee riɛl, ku bɔɔnyde, akɔlɛ, ku thɛɛr, ku akɔlriɛɛc ɛbɛn! Yenakan.